



Austrheim kommune

Dykkar ref.:

Vår ref.:
20/4836 - 7 / KTJ

Dato:
24.11.2020

Melding om vedtak - Eldrerådet sitt innspel til budsjett for 2021

Eldrerådet handsama i møtet 17. november saka om budsjett for 2021. Vedtaket frå Eldrerådet vert fletta rett inn i sjølve budsjettsaka, men det vert her også oversendt som ei synleggjering, og for føring i arkivsak 20/4669.

ER - 024/20 VEDTAK:

Eldrerådet sitt innspel til budsjettet for 2021:

Rådet noterer seg at det er sett av 50.000 kroner til Eldrerådet i 2021, og takkar for at kommunestyret brukar midlar på dette.

Rådet ønskjer i 2021 å bruka midlar mellom anna på desse aktivitetane:

- Eldredagen 2021.
- Datakurs for eldre, dette med grunnleggjande datakompetanse er berre meir og meir viktig i dagens samfunn. (Me har undersøkt litt med Alver, og fem kveldar med innleigd kurshaldar vil kosta kring 10.000 kroner).
- Sosiale arrangement meint for eldre, anten som tur eller møteplassar.

Eldrerådet set pris på at kommunen er i gang med planar for bygging av fleire lettstelte og sentrumsnære bustader for eldre. Slike bustader vil vera eit tilbod også for friske eldre, som ønskjer å flytta frå eit stort hus til ein meir lettstelt bustad. Dette vil vera eit prosjekt som vil gje kommunen innsparingar på andre felt, til dømes ved at det gjer det mogleg for eldre å bu heime lengre.

Rådet har merka seg at det i 2021 er lagt inn ei styrking til heimesjukepleien, og set pris på denne prioriteringa.

Med helsing

Ketil Tjore
møtesekretær

Dette dokumentet er elektronisk godkjent og har difor ingen signatur

Kopi til:

Odd Harald Dommersnes

Mottakere:

Austrheim kommune